



廣西通志卷六十二

選舉表二

制舉

辟薦

國朝

順治元年奉

詔直省府州縣學有才學出衆孝弟著聞者不拘廩增附

學俱許提學官特薦試用

皇朝文獻通考

元年順天巡撫宋權獻治平三策一廣羅賢才以
佐上理併薦故明薊遼總督王永吉等旋

飭廷臣各舉所知於是天津總督駱養性侍郎王鰲水左
春坊左庶子李若琳吏部左侍郎沈惟炳等竝有
薦舉令詳註履歷陳奏下部知之嗣以廷臣所舉

類多明季舊吏及革職廢員未有肥遯山林隱跡
逃名之士令自今以後須嚴責舉主所舉得人必
優加進賢之賞所舉舛謬必嚴行連坐之罰至於
薦舉本章止許開具鄉貫履歷其才品所宜應聽
朝廷定奪不許指定某官坐名何地無論貴賤遠近隱顯
升沈果有灼見真知悉許薦舉倘以貲郎雜流市
傭村叟及革黜青衿投閣武弁妄充隱逸以致流
品不分選法壅滯如前朝保舉故事咎有所歸若
畏避連坐因而緘默不舉者亦必治以蔽賢之罪

同上

謹案山林隱逸之舉自

國初以來恭遇

覃恩屢頒

詔旨嘉慶四年又奉

恩詔令督撫核實具奏酌予錄用野無遺賢之盛遠軼

唐虞矣

十五年吏部議覆憲臣魏裔介條奏舉用孝子授
官從未有例但孝行關係風紀若有司呈報果有
眞正孝子許撫按具題禮部覆核勅臣部考試選
授縣正佐貳等官如有冒濫捏報原舉官參處
康熙十七年正月二十二日奉

諭旨自古一代之興必有博學鴻儒振起文運闡發經史

潤色詞章以備顧問著作之選朕萬幾時暇遊心文翰思得博洽之士用資典學我朝定鼎以來崇儒重道培養人材匹海之廣豈無奇才碩彥學問淵通文藻瑰麗可以追蹤前哲者凡有學行兼優文詞卓越之人無論已未出仕者在京三品以上及科道官員在外督撫布按各舉所知朕將親試錄用其內外各官果有真知灼見在內開送吏部在外開報於該督撫代爲題薦務令虛公延訪期得真才以副朕求賢右文之意爾部卽通行傳諭遵行特諭欽此

六十一年十一月二十日奉

恩詔每府州縣衛各舉孝廉方正暫賜以六品頂帶榮身

以備詔用務期采訪真確毋得濫舉欽此

雍正元年四月十五日奉

諭旨直省督撫國家敦厲風俗首重賢良舉髦士以勸秀
民實爲政教之大端凡封疆大吏宜共體此意廣詢博
訪不可視爲具文漫不加察也前所頒恩詔內有每府
州縣衛各舉孝廉方正暫賜以六品頂帶榮身以備詔
用距今數月未有疏聞豈通都大邑之中海岱山陬之
遠遂無潛修砥操克稱俊又可應詔旨者歟誠恐有司
怠於采訪雖有端方之品無由上達殊負朕殷殷延攬
之至意特著直省各督撫速遵前詔各訪所屬果有行
誼篤實素爲鄉黨所推者卽列名舉奏毋得隱蔽及濫

引塞責特諭欽此

五年四月初十日奉

諭旨從來爲政在乎得人書曰野無遺賢萬邦咸寧蓋賢才登進在位者多則分猷効職庶績自能就理而民生無不被其澤也朕卽位以來加意旁求凡所以延訪擢用之道盡朕心力如現任官員及候補候選科目諸人每特令薦舉遴選引見廣開錄用之途冀收羣策之力又念各省學校之設原以樂育人才爰命學臣保舉賢能升聞於朝以備任使乃直省學臣所舉人數不多又多草率塞責不能副得人之實夫十室之邑必有忠信今直省府州縣學貢生生員多者數百人少亦不下百

餘人其中豈無行誼醇篤好修自愛明達之士乎著知
州知縣官會同各該學教官將府州縣之貢生生員內
居家孝友行已端方才可辦事而文亦可觀者秉公確
查一學各舉一人於今年秋末冬初申報該上司奏聞
請旨其或僻遠中學小學實無可舉者令知縣教官出
具印結該督撫查實奏聞朕因廣攬人才舉此曠典所
以黜浮華而資實用州縣教職等官爲一方師長選賢
薦能乃其專責倘敢有輕忽之心虛應故事濫舉非人
者定照溺職例革職若或徇情受賄則有加倍治罪入
旗之滿洲蒙古漢軍亦照此例將人品端方通曉漢文
者著該佐領各舉一人如不得其人之佐領亦具印結

月日三卷之二
四
同治四年補刊
令該都統彙齊奏聞請旨庶使潛修篤行之士得以表見而國家亦收得人之效矣特諭欽此

五年十二月初六日奉

諭旨爲治之道首重得人朕臨御以來夙夜孜孜廣爲諮訪期得人材以理庶政而內外臣工所保舉之員其中秉公推薦足備任使者固不乏人而徇私濫舉及苟且塞責者亦復不少卽如前年令各省督撫藩臬各舉薦屬員一人而王朝恩王景灝所舉者則甚爲庸劣又如令督撫等保送所屬武官而督撫中遂有不加詳慎但就參遊等所申送之人卽呈奏朕前者又或督撫欲薦人而授意於兩司兩司欲薦人而請教於督撫似此草

率從事揆諸古人所云以人事君公忠爲國之義豈不大相違背乎朕思薦保人材關係國家辨材論官之要道舉得其人則政事無不就理舉非其人則弊端從此而生孟子曰立賢無方孔子曰舉爾所知觀聖賢之言則知得人之道宜廣其途以爲收羅而各舉所知庶可以收克知灼見之益也今特諭內外諸臣等京官自翰林科道郎中以上外官自知府道員學政以上武官自副將以上旗員自參領以上皆令每人各舉一人滿洲官員則保舉滿洲漢軍官員則保舉漢軍漢人官員則保舉漢人文職官員亦許保舉武職武職官員亦許保舉文職於滿漢文武內或係候補候選之人或係進士

舉人貢監生員或係山林隱逸務期有猷有爲有守品行才具足備國家之用者各人密封奏摺赴奏事人員處轉奏外官則遣家人賁送密摺來京付奏事人呈進卽或親戚子姪等亦可據實薦奏不必以嫌疑引避但京官如尚書侍郎外官如督撫提鎮兩司皆係朕已經深知簡任者不必入所薦之列其奏摺內只開本人官銜姓名註明所薦之人官銜考語不必引頌聖之繁文敷衍粉飾此朕旁求俊乂之苦心冀賢才輩出師濟盈廷俾百職得宜庶務畢舉凡有保舉之責者不得瞻顧私交不得受人囑託不得互相商議不得輕聽風聞夫十室之邑必有忠信凡人生平豈無一人熟識深知者

况既列朝紳受國家之爵祿而朕又推心置腹俾以舉
賢薦能之美事倘猶有懷藏私意濫舉非人者清夜捫
心尚可以爲人乎且朕之觀人往往洞見隱微將來觀
所舉之人卽可知舉人者心術之公私識見之明昧亦
不使諸臣得以行其私也著內外滿漢文武官員遵諭
行欽此

六年十月二十三日奉

諭旨國家政務必得其人而後理朕加意旁求多方遴選
惟期百司庶職俊乂在官以收得人之效但各職需人
之處甚多該督撫等又屢屢奏請而現在赴部銓選之
員不敷揀用因思自古人臣爲國有以人事君之義孔

子論舉賢才之道亦云舉爾所知可見凡人生平必有深知篤信之才足備朝廷任使者果其以公忠爲心自無薦舉不得其實之理也茲特降諭旨著京官大學士以下主事以上之滿州漢軍漢人外官督撫以下知縣以上之滿洲漢軍漢人每人各舉一人除現任知縣以上官員不必保舉外或係舉貢生監或係山林隱逸果有品行才猷可備任使者卽親戚子弟亦不必引避嫌疑令京官外官皆得據實保舉至外官所轄之現任佐貳雜職等屬員亦准其保薦此所保薦之人如係京官所舉者卽令本人寄信喚令來京自行交送吏部彙齊引見其外官所舉之舉貢生監山林隱逸等人亦令具

文開載履歷考語交與所舉之人齎文赴部引見至所
舉之屬下佐貳等員著申送該督撫驗看出具考語然
後送部引見朕從政務需人起見開誠布公以期集思
廣益內外大小臣工等共受國恩時懷報効之願今奉
特旨准令保舉實屬難逢之會自應秉公據實以展臣
子之心必無徇私冒濫以自蹈欺罔者倘或舉非其人
將來覺察或試用不稱責有攸歸勉之勉之欽此

十一年四月初八日奉

諭旨國家聲教覃敷人文蔚起加恩科目樂育羣才彬彬
乎盛矣朕惟博學鴻詞之科所以待卓越淹通之士俾
之黼黻皇猷潤色鴻業膺著作之任備顧問之選康熙

十七年

聖祖仁皇帝

特詔內外大臣薦舉博學鴻儒召試授職一時名儒碩彥
多預其選得人號爲極盛迄今數十年來館閣詞林儲
才雖廣而宏通博雅淹貫古今者未嘗廣爲搜羅以示
鼓勵自古文教休明之日必有瑰奇大雅之才況蒙

聖祖仁皇帝六十餘年壽考作人之盛涵濡教澤薄海從
風朕延攬維殷闢門籲俊敦崇實學諭旨屢頒宜有品
行端醇文才優瞻枕經薛史殫見洽聞足稱博學鴻詞
之選所當特修曠典嘉與旁求除現任翰詹官員無庸
再膺薦舉外其他已仕未仕之人在京著滿漢三品以

上各舉所知彙送內閣在外著督撫會同該學政悉心體訪遴選考驗保題送部轉交內閣務期虛公詳慎搜拔真才朕將臨軒親試優加錄用廣示興賢之典茂昭稽古之榮應行事宜著大學士九卿會議具奏特諭欽此

十三年九月初三日奉

恩詔每府州縣衛各舉孝廉方正暫賜以六品頂帶榮身以備詔用務期采訪真確毋得濫舉欽此

十三年十月初九日奉

諭旨周官以六德六行六藝教萬民而賓興之而黨正之所教族師閭胥之所書皆以六行爲本師氏保氏以三

德三行六藝教國子而德亦以孝爲先蓋德蘊於中藝之敏鈍隨其材惟行則徵實積久不可掩飾而孝弟又百行之根原也朕卽位之初頒布恩詔卽令直省府州縣衛察舉孝廉方正暫賜六品頂帶以備詔用因念八旗根本之地尤宜敦尚實行以爲天下倡諸參領佐領各考察所屬人士孝弟端方歷久不忘者詳列實行申報都統都統實心核驗擇其德行才識俱優者切具考語送部引見卽篤實檢謹無他藝能亦題請旌表賜以頂帶榮身至前詔直省所舉孝廉方正擇其尤者亦送部引見夫十室之邑必有忠信三人並行厥有我師豈得漫言所領州郡竟無其人亦不得冒濫以輕名器特